

ՄԱՏԵՆԱԳԻՏԱԿԱՆ

ԴԻՏՈՂՈՒԹԻՒՆՆԵՐ «ԵՂ ԱՇԱՆԴՈՅ»Ի ՀԱՅԵՐԵՆ ՆՈՐ ԹԱՐԳՄԱՆՈՒԹԵԱՆ՝ ՄԱՍԻՆ

23. Բայց քեզ գայն եւս իշխացեն ամբարշտել, քեզ եւ որ պատճառ բատօւերին է, ի միջոյ բառմալոց իցեւ (Մ 99·25-26, Բ 225) — «Սակայն համարձակում են անօրինաբար այն էլ ասել, թէ ինչ որ ստուերի պատճառն է, մէջտեղից վերանալու է» (143):

Խօսքը Պղատոնի եւ հետեւորդների մասին է · թարգմանիչը նրանց վերագրել է մի միտք, որ նրանք չեն արտայայտել: Եղնիկը Պղատոնի մասին գըրմել է: «Խոկ Պղատոն, որ Աստուած եւ Հիւզ եւ իդոս էւուրեամբ գնէ» (Մ 99·8, Բ 224) եւ «Զաշխարհ արարած եւ եղծանելի ասէ, եւ երբեմն եւ այլքն՝ մշտրեցինաւորակից Աստուածոյ» (Մ 99·20, Բ 225): Պղատոնը եւ միւսները չեն ասել, թէ Աստուած, որ ստուերի, այսինքն՝ այս աշխարհի պատճառն է, մէջտեղից վերանալու է: Եթէ ասած լինէին, Եղնիկը իշխնիցն ստորադասականով չէր մէջբերի նրանց միտքը: Կարծում ենք, որ այս բայցը ներկայուժ թարգմանելու չէ եւ բնագրի գայն բառի վրայ բացադաշական նշան գնելով կարդալու ենք այդ նախադասութիւնը, որով Եղնիկի հեղնանքն է արտայայտուել: «Բայց թէ ա՛յն էլ համարձակուելու են ամբարշտաբար ասել, թէ ինչ որ ստուերի պատճառն է, այն էլ մէջտեղից վերանալու է»:

26. Ի հասուն հասակի եկն յաշխարհ ի կատարեալ գիտութիւնն, որպէս յայնմ աշխարհի մարքի հասանել գիտութեան (Մ 102·22-24, Բ 232) — «Հասուն հասակում աշխարհի մէջ հասալ կատարեալ գիտութեան, որովհետեւ այս աշխարհում կարելի է հասնել գիտութեան» (146):

Այս թարգմանութիւնը Գ. Խաչատուրեանի թարգմանութիւնից տարրերում է միայն նրանով, որ բնագրի մարքի բայցը մէկը թարգմանել է «աէտք է» (Խաչ., որ սիալ է), խոկ սա՞ «կարելի է», որ ճիշտ է:

Մարիէսը Գ. Խաչատուրեանի (ինչպէս եւ Վերմէրի) թարգմանութիւնը քննադատելի նկատել է ուուել իրաւամք (ծան. 822), որ բնագրում ունենք յաշխարի՝ ուղեւորման հայցական, որ թարգմանուել է «աշխարհի մէջ»՝ ներդոյական «աշխարհում» նշանակութեամբ: Սա ճիշտ կը լինէր, եթէ բնագրում լինէր «յաշխարհ»: Մարիէսը Շմիդ-Գալէմքեարեանի թարգմանութեան հետ համաձայն է: այսաեղ եկն յաշխարհ արտայայտութիւնը նշանակում է «ծընուեց»: Ուստի (Պաւղոս) ի հասուն հասակի եկն յաշխարհ ի կատարեալ գիտութիւնն բառերը նշանակում են: «(Պօղոսը) հասուն հասակում ծնուեց կատարեալ գիտութեան»: Շարունակութիւնը՝ որպէս յայսմ աշխարհի մարքի հասանել գիտութեան՝ «ինչպէս որ (որքան որ) այս աշխարհում կարելի է հասնել գիտութեան»: այս նախադասութեան մէջ բնագրի որպէս բառը չի նշանա-

¹ Եզնիկ Կողբացի, Եղջ ԱղԱՆԴՈՅ. Աղամանների հերքում: Թարգմանութիւնը, ներածութիւնը և ծանօթագրութիւնները Ա. Ա. Աբրահամեանի: Երեւան, 1970:

կում «որովհետեւ», ինչպէս թարգմանել են Գ. Խաչատրութեանը եւ Ա. Արքահամեանը:

27. Գոնեայ հիւղեայն լիցի նմանող, որ ընդ գետինն Էարշէր՝ եւ եղեւ հաղորդ արարչութեամ արարչին (Մ. 110. Զ-4, Բ 251) — «Գոնէ նմանուէր Հիւտին, որը (աստծուն) դէպի գետին հաշեց եւ սուղծողի արարչութեանը մասնակից դարձաւ» (156):

Մարշէսի Հետ (թարգմանութիւն թ 359) կարծում ենք, որ ընդ գետինն արարշէր բառերը նշանակում են «զետանի վրայ էր քարշ գալիս» կամ «սողում»։ այսինքն՝ արարշէր անցեալ անկատարը չեղոք սեռի նշանակութիւն ունի այս տեղ, եւ ընդ գետինն ուղեւորման հայցական է։

Մեր դիսուզութիւնների մէջ յաճախ յենուել ենք նոր հայկացեան բառարանի վրայ։ սակայն այս անկամ համակարծիք չնքն նրան, ուր քարշէր բարի «քայել», քաշչել, քաշկրտել իջուցանել» ներգործական սեռի նշանակութեան համար բերուած վկայութիւններից մէկը նշնիկի նախադասութեան քընդ դեմքնն քարշէր հատուածն է։

Մեզ թւում է, որ Ա. Արքահամեանը եւ նրանից պուած Գ. Խաչատրեանն այս բառերը «աստծուն» դէպի կետին քաշեց՝ թարգմանելու համար նը-կատի են ունեցել հետեւեալը։ Եզնիկը գրել է, թէ ըստ Մարկիոնի, «հիւղը բը-նակում էր երկրի վրայ («յերկրի հիւղն» էր), «օստար տատուածը»՝ առաջին երկնում, «օրինաց աստուածը»՝ երկրորդում, երրորդում, վերջինիս զօրքերը լին էին։ Օրինաց աստուածը իշնում է երկրի վրայ եւ հիւղից առած կաւին ողի ներշնչելուս ստեղծում է Աղամին։ Աւելի լաւ է լսենք Եղիկինին։ «Եւ տեսեալ աւրինաց աստուածոյ՝ թե գեղեցիկ է աշխարհս, խորհեցաւ առնելի ի ամա մարդ։ Եւ իջեալ առ հիւղն յերկիր, ասէ. տուր ինձ ի կատոյդ քումէ, եւ յինէն ոսմ ոգի։ Եւ արացցուք մարգ ըստ նմանութեան մերում» եւ այլն (Մ. 107. Զ-7, Բ 244)։ Աւստի օրինաց աստուածն ինինակամ է իջել երկիր։ Եւ ոչ թէ հիւղն է նրան հաշել դէպի գետին, այս այլի բուն կամ փոխարերական՝ «հրապուրելիք բառաստով։

Քանի որ հիւղը երկրի վրայ էր բնակում, ուստի կարծում ենք, որ ընդ գետինն արարշէր բառերը նշանակում են «գետինի վրայ էր քարշ գալիս» կամ «սողում»։ Եւ այս արտայայտութեան մէջ նկատելի է Եզնիկի հեգնանքը։ Գետանին սուլալով հանդերձ հիւղը հաղորդակից եղաւ Աղամի արարչագործառ թիւն՝ «եղեւ հաղորդ արարչութեան արարչին» (Ծղնիկ)։

Ա. Արքահամեանի եւ Գ. Խաչատրութեամի թարգմանութիւնը քերական նօրէն է անընդունելի է թւում մեզ նրանով, որ քարշէր անկատարը թարգմանուել է անցեալ կատարեալավ, ինչպէս յաջորդող եղեւ-ը։ Մինչդեռ կարծում ենք, որ սյուտեղ անկատարն արտայայտում է այն ժամանակի աեւուղաւթիւնը, երբ հիւղը «ընդ գետինն արարշէր», եւ օրինաց աստուածը երկրի վրայ իջաւ ու նրա համագործակցութեամբ Աղամին ստեղծեց։ Իսկ եղեւ կատարեալն արտայայտում է արարչագործութեան նրա մասնակից իինելու վիասար։ Աւստի այդ երկու քայերի միջեւ գրուած եւ շաղկապը ներհակական է եւ նշանակում է «քայց, սակայն, այնուհանդերձ»։ բայց ոչ «եւ», ինչպէս թարգմանուել է։

28. Ենք իմչ ընդիւտ ի հերթանուաց (մարկիոնականքն. Մ. Մ-1)։ Այլ որպէս նոքա աստուածն բազաւմ լինեմ, եւ առքա աստուածն քարօզեն (Մ. 110. 10-11, Բ 252) — «Հեթանուներից ունչով չեն ասքրերում։ որովհետեւ ինչպէս որ նրանք բազմաթիւ աստուածներ են ընդունում, սրանք էլ նոյն աստուածներն են քարոզում» (156)։

Բնապրի այլ բառը չի նշանակում «որովհետեւ», այլ՝ «ընդհակառակը»:

Հեթանոսներն իրօք բազմաքիւ աստուածներ են ընդունել. իսկ «ուը բանք», այսինքն՝ մարկոնականները, նոյն աստուածները չեն քարողել, այլ՝ որինաց աստուած», Հիւզը՝ «զարութիւն երկրի» և «օստար աստուածը»: Ենոյին բառը չկայ բնագրում, ուստի կարիք չկայ արդպիսի ճշգրտութիւն զերապերու հեղինակին: Այդ բառը փակադերում անձամ դրուած չէ թարգմանութեան մէջ:

29. Յո՞ր սակա եւ հարքն մեր սուրբ եպիսկոպոսի սահմանեցին կանոնը: Եթե ո՞ւ հաւատացեալ միս ոչ ուտիցէ, եւ բանջար ընդ մայ հիւտ իցէ, եւ ի բանջարոյն ոչ կամիցի նաշակել, նոպիսալ լիցի: Ընդէ՞ր ։ նախ ։ . . . (Մ 124. օ-8, Բ 287) — «Եթիս համար ել մեր Հայրերը՝ սուրբ եպիսկոպոսները, այս կանոնը սահմանեցին՝ Եթէ միս չուտող որեւէ Հաւատացեալ մասով բանջար եւ փելու դէպրում ։ կամ ենայ այն բանջարից ուտել, թող նզովուած լինի: Ինչո՞ւ: Նախ ։ . . .» (176):

Մարիէսը նախադասութեան սկզբի յոր սակա բառերը մեկնարանել է որպէս Հարցական, նկատել տալով, որ գրա հոմանիշն է յաջորդ նախակառութեան ընդէ՞ր Հարցականը: Համաձայն ենք նրան, որովհետեւ թարգմանչի «դրա համար էլք բառերը ոչ մի հմէք չունեն նախորդ տողերում»:

Կարծում ենք, որ բնապրի կանոն բառոր թարգմանելու է «կանոններ», ինչպէս արել են Գ. Խաչատուրեանը (էջ 142) և Մարիէսը (Ց 412): Արդարեւ, Հակառակ Թարգմանութեան, մէնք բնագրում երկու կանոն կամ երկու նորմք նոր նկատում: 1. Թող նզովուած լինի միս չուտող հաւատացեալը («Եթէ ոք հաւատացեալ միս ոչ ուտիցէ»): 2. Թող նզովուած լինի նաեւ այն հաւատացեալը, որ ոչ միայն միս չի ուտում՝ այն պիզծ համարելով, այլեւ մոի հետ եփած բանջարից էլ է Հրաժարուում ճաշակել («. . . եւ բանջար ընդ մասոյ ։ . . է կամիցի ճաշակեր»): «Կամ նազգիր հայոց Հրաժարուիթեան երկու համարեներում (աշխատասիրութեամբ Վաղդէն Յակոբեանի, Հատ. Ա., Երեւան, 1964, Հատ. Բ, 1971) առարկայական ցանկերից օստուելոյ (միս եւ բանջար)՝ զըռտահք քի կանոն, ուր նզովքի երկու էկտերն էլ միասին սահմանուած լինեն: Այլ՝ առանձին կանոնում կարդում ենք հետեւեալը մասկերութիւնը պիզծ համարողների մասին: «Եպիսկոպոս կամ երէց կամ ասրկաւագ կամ բնաւիխն կոկ ի քահանայական կարգէ յամուսնութենէ, ի մայ եւ ի գինոյ ոչ վասն ճնշուութեան, այլ պիզծ վարկանելով, զայնոսիկ ի բաց մեկնի, մոռացեալ թէ աւենայն ինչ յրժ բարի է, զի արու եւ էղ արար Աստուած զմարդն, այլ Հայութիւնը անզունեսցէ զուրծաւորութիւնն՝ կամ ուղղեսցի կամ լուծցի եւ յեկեղեցւոյն ի բաց ընկենցը: Ամանպիս եւ ժողովրդական ոք» (Կանոնազիր հայոց, Հատ. Ա, էջ 88, Կանոնք Կղեմայ):

Հետեւեալ երկու կանոնները վերաբերում են մասով եփուած բանջար ուտելոց Հրաժարուուղներին: «Ոլք յուիսի անդ իցեն երիցունք կամ սարկաւագունք կամ այլ ոք ի պաշտանէից եւ Հեռի իցեն ի մայ եւ միտք իւրեանց յաւժար իցեն ի ճաշակել, Համարձակ կերիցեն եւ մի պաղտնարար: ապա թէ կամք իցեն՝ պահիցեն, ընկունին կանոնք դերկուին: Ապա երէ ոք պիզծ համարիցի կամ զրամաք եւ զիաց, որ մասու իցէ, ոչ ընդունի զնա կարգք եկեղեցւոյ» (Անդ էջ 164, Կանոնք Անկիւրեայ): «Ոլք յուիսի իցեն երիցունք եւ սարկաւագունք, եւ Հեռի իցեն ի մայ, կամ եղեւ զի ճաշակենցեն, ապա եթէ կամեացին՝ պահեսցեն ի մասոյ, ապա երէ պիզծեսցին կամ պիզծ համարեսցին մինչեւ դրանջարն որ ընդ մայն անկամիցի կամ հպիցի ի միսն չուտիցեն, եւ ոչ ան-

ուայցին կանոնացու, լուս լիցին յաշտիճանէ քահանայութեանը (Մադ, Համ, Բ, էջ 77, կանոնք երկրորդ նիկիականը) :

Այսպիսով կարծում ենք, «որ նորովքին վերաբերող նախողասութիւնը կարելի է թարգմանել, բայ այդ կանոնների. «Եթէ հաւասացեալ մէկը միու չուտէ, եւ («եթէ» առաջին կանոնի երեն-ն վերաբերում է նաեւ երկրորդին կամ պայմանի ստորոտասական նախոգասութիւններից նաեւ երկրորդին, ինչպէս յաճախ նզնիկի երկում») մսի հետ բանջար եփուած լինի, եւ բանջարից էլ չկամենայ ճաշակել, թող նզովուած լինի»; Գ. Խաչատուրեանի թարգմանութիւնը շատ յատակ չէ. «...Սուրբ եպիսկոպոսները կանոններ սահմանեցին. 'Եթէ հաւասացեալ մէկը միս չ'ուտեր, եւ միսով բանջար ևիուած ատեն՝ բանջարէն չ'ուղեր ուտել, — նզոյեալ ըլլայ» (էջ 142). «բանջարէն» բառից յետոյ պէտք է «ալ» բնագրի եւ շաղկապը թարգմանելու համար :

30. Եւ Առաքեալ՝ այր հաւատարիմ՝ կոչէ զկուսանսն: Բայց հայեցեալ ի բնուրիւթ՝ չիշխի յայր հրաման տալ, այլ ակնարկելով յաւթարեցուցանէ. որպէս եւ Տէրն ակնարկէ, այլ ոչ ստիպէ (Մ 124. 20-22, Բ 298) — «Եւ առաքեալը կյուսերին կստահելի մարդ է համարում, բայց, նայելով բնութեանը, չի համարձակում բացայացորդէն հրամայիլ (կոյս դատնալ), այլ հասկացնելով համողում է, ինչպէս որ տէրն էլ հասկացնեմ է եւ ոչ ստիպում» (175-176):

Եթէ բնագրի այր հաւատարիմ կոչէ զկուսանսն բառերը նշանակէին «կոյսերին պատահելի մարդ է համարում», Գ. Խաչատուրեան՝ «ընդունելի մարդ կը կոչէ կոյսերը» (էջ 143), ապա դասական գրաբարի գերականութեան համաձայն սովորաբար կ'ունենայինք «արս հաւատարիմս», որոնք թուով համաձայնած կը լինէին զկուսանսն ուղիղ խնդրի հետ. «Եթէ ներդործական բային սեռի խնդրիր յոգնակի է, գյուղական բնութեան խնդրիր սովորաբար յոգնակի կը դրուի» (Քերականութիւն հայկազնեան լեզուի, 1885, էջ 225): Արդ, հենց թարգանութեան մէջ ունենք «զոյսական բնութեան խնդիր»՝ այր, հաւատարիմ ածականը սրա որոշին է: Ուստի սխալ է թարգմանութիւնը:

Մարիէսը հրատարակութեան մէջ բութ նշանը գնելով Առաքեալ եւ հաւատարիմ բառերի վրայ, այր հաւատարիմ բառակապացութիւնը որպէս բացայաշիք է ընդունել Առաքեալ ենթակային՝ «Եւ Առաքեալ՝ հաւատարիմ մարդ, կոչ է անում կոյսերին» (տղամարդ կամ կին) կամ կուսութեան: Եղնիկը չի մէջրերել այդ կոչը, որի ազբիւրը ցոյց է տուել Մարիէսը՝ Ա Կորնթ., է, 25, ուր կարդում ենք. «Անը վասն կուսունաց հրաման ինչ ի Տեառնէ ոչ ունիմ, բայց խրատ տամ որպէս ողորմելոյ ուրուք ի Տեառնէ հաւատարիմ լինել». ուստի Առաքեալն է հաւատարիմ իր Վարդապետի ուսմունքին եւ կուսութեան մասին ոչ մի հրաման չի տալիս, քանի որ այդպիսի հրաման չի ստացել:

Թարգմանութեան մէջ «հրամայիլ» բայցից յետոյ փակագեերում աւելացուած է «կոյս դատնալ»: Քանի որ ըստ մարգակային բնութեան սա ակնարելի է, ուստի նախընտրելի էր «մնալ» փոխանակ՝ «զառնալ», եթէ երրէք այս յաւելումն անհրաժեշտ էր: Թարգմանիչը թէրեւս առարկէ, թէ «կոյս դատնալ» անելով հասկանում է այսօրուայ իմաստով կկուսակրօն, վանական կոյս դատնալը եւ այլն: Բայց ինչպէս Առաքեալն իր Փղթի է գլխում, այնպէս էլ նզնիկն այստեղ խօսում է ամուսնանալու կամ ամուրի մնալու մասին:

31. Եւ զինը կսակարան աւտարուի համարի ի հնոյն եւ յախմանէ, որ ի նմայն խաւելը:

Զյարութիւն մարմնոյ արհամարիէ (Մ 128. 29-30, Բ 297) — «Նոր կը տակարանը նմին խորթ է համարում եւ նրամից էլ արհամարհում է մարմին երի յարութիւնը, որի մասին խօսում է այնուղ» (180):

Կարծում ենք, որ Ա. Աբրահամեանը ամենեւին չի հասկացել Եղնիկի միտքը: Թերեւս պատճառը Վենետիկի Հրատարակութեան կետադրութիւնը եւ նախագասութիւնների վաս բաժանումն է. «Եւ զնոր կտակարանս օտարութիւնը համարի ի հնոյն. և յայնմանէ, որ ի նմայն խօսէր, զյարութիւն մարմնոյ ար համարհէ»: Ինչպէս տեսանք, Մարիկսն իրաւամբ առանձին նախագասութիւն է համարել վերջին երեք բառերը: Քննարկուազ փոքրիկ հատուածում, որ Մարիկոնի աղանդի քննագասութեան պէտքը եղբափակող վերջին էջից է, իրօք ունենք մարկինեան երկու դրոյթ:

Առաջին մարկիոն «Եւ զնոր կտակարանս աւտարութիւնամարի ի հընոյն եւ յայնմանէ, որ ի նմայն խաւսէր» — «Մարկիոնը նոր կտակարանը օտարութիւնը է համարում հնոյն եւ նրանից, որ խօսում էր սրա (այլինքն՝ Հին կտակարանի) մէջ»: Բնագրի յայնմանի բացառականը քերականորէն աւտարութիւն ածականի խնդիրն է, ինչպէս ի հնոյն բացառականը: Իմամութիւն տեսակիտից այդ յայնմանը գերանուանի տակ մննք հասկանում ենք հոգին սուրբ, որ պատգամներ էր տալիս Հին եւ նոր կտակարաններում: Եղիշէն այդ մէկ նախագասութեամբ ամփոփել է սկզբում ասած հետեւեալ մաքերը. Մարկիոն «Եւ այնչափ յանդզնեալ սատանայութեան ոգուղին, մինչեւ ի պատգամաց հօգույն սրբայ քաղ հանել. զիէս տեստարանի ընտրել առանուլ՝ եւ զիէսն իբրեւ զիսուան ի բաց թողուլ. նոյնպէս եւ զատաքելական թղթոցն. եւ զիէն կտակարանն ամենենին սրանալ, որպէս թէ յանգգամէտ տուեալ իցեն ևր ոչ ի բարւոյ (Մ էջ 10-111, Բ 253): Այսպիսով ամենեւին ընդունելի չէ յայնմանի բացառականի «Եւ նրանից էլ» թարգմանութիւնը, որ հաւանաբար նշանակում է «այդ պատճառով էլ»: Անընդունելի է նաև «որ ի նմայն խաւսէր» բառերի «որի մասին խօսում և այնտեղ» տարօրինակ եւ մութ թարգմանութիւնը. մութ, որովհետեւ յատակ չէ, թէ «այնտեղ» գերանուան տակ ո՞ր կտակարանն է հասկացուաւ:

Մարկիոնի երկրորդ դրոյթը, որ Եղնիկն ամփոփել է քննարկուող վերջին նախագասութեան մէջ, հետեւեալն է. Մարկիոն «Զյարութիւն մարմնոյ արհամարհէ» — Մարկիոնը «Աբրհամարհում է մարմնի յարութիւնը»: Այս կարծ նախագասութեամբ Եղնիկը յիշեցնում է Մարկիոնի հետեւեալ դրոյթը, որ ըստ կրում ինքը քննագատել եւ մերժել է մի քանի չջում: «Այլ եւ յարութեան մարմնոյ չհաւատալ ուստի՞ իցէ Մարկիոնի եւ Մանեայ եւ այլոցն նոյնպիսիւաց: Ասեն. Առաքեալ ասաց՝ թէ մարմնին եւ արին զարգայութիւն Աստուծոյ ոչ ժառանգեն» եւ այլն (տե՛ս Մ 126-4-7, Բ 290-291 եւ շարունակութիւնը): Այսպիսով այս դրոյթը, որ քննարկուող հատուածում արտայայտուած է երեք բառանի կարծ նախագասութեամբ, կապ չունի առաջինի հետ: Խոկ Ա. Աբրահամեանը, հետեւելով Գ. Խաչատրուեանին, խառնել է դրանք:

* * *

Այստեղ ընդհանում ենք բայեն թարգմանական սխալներին վերաբերող մէր միւր գիտողութիւնները և նշում այլ կարգի թերութիւններ:

ա. Զքարգմանուած բառեր

Ա. Աբրահամեանը թերացել է թարգմանանձ բառերի այնպիսի բառեր, որոնք ամենեւին աւելորդ չեն. ահա մէք քանի օրինակ:

1. Ու ի մի միայն կողմն՝ ի հանդէպ երեսացն եւեթարշակի (Մ 18-27-28, Բ 18) — «Ու թէ միայն դէպի առաջ է արշատում» (37):

2. Դ Դ Պ Թարգմանուած չեն բնագրի ընդունուած բառերը՝ «Ու միտյն մէկ կողմ»:

2. Պատերազմունք շարժին, ուր մեղասր եւ արդար ու հասարակ կոտրին (Մ 14.17-18, Բ 20) — «Պատերազմներ են տեղի ունենամ, մեղաւոր ու արդար հաւասարապէս կոտրում են» (38):

Թարգմանուած չէ բնագրի ուր բառը:

3. Ո՞վ է Ալիդրմ եւ գործից տյնիսի անպատճից, բայց եթե իցէ ինչ չար գործութիւն, որ... (Մ 14.20-21, Բ 20) — «Ո՞վ է այսպիսի անպատճութիւնների սկզբնապատճանն ու սրանք կատարողը, եթէ ոչ ինչոր չար գործիւն, որը...» (38):

Թարգմանուած չէ բնագրի իցէ բայլը՝ «Եթէ չինի», որ այստեղ կարեւոր է, քանի որ Եղիսիկի ընդդիմակացները հաւատում էին, թէ գոյուրիւն ունի մի չար գորութիւն:

4. Ցալթմւթեան և պսակի ոչ ցանկանայցեն (Մ 29.27, Բ 57) — «Յադ-թանակի չձղտեն» (56):

Թարգմանուած չէն բնագրի եւ պսակի բառերը:

5. Զմանէն յուրաստ էր, թե չեն գու իմ որդի, եւ զմիւսմէն խոստուկ, թէ որդի իմ է (Մ 61.29-30, Բ 136) — «(Ջրուանը) ուրացաւ՝ (ասելով, ...)» (96). Ժողովուած չ բնագրի զնմանն բառը, որին Հակարուում է զմիւսմէն դեռանունք. ուստի պիտի ասուէր՝ «(Ջրուանը) ուրացաւ երան...»:

6. Եթե իբրեւ ի չարէ յուրաստ էր, ապա և յուրեանն զնա չէր պարտ արժանի առնել, այլ անցէն իբրեւ ի չարէ յուրշել (Մ 61.31-32) — «Եթէ ուրանում էր նրան, որպէս չարի...պիտի խորչէր չարից» (96):

Թարգմանուած չէն բնագրի իբրեւ բառը. «Նրանից պիտի խորչէր իբրեւ չարից»։ Հմատ. նախադասութեան սկզբի «իբրեւ ի չարէ բառերը»:

7. Այլ յալղայթ սնամալյա՞ եւ ի մտաց իսկ անկանի մարդ (Մ 80.12, Բ 180) — «Աւզեղի դատարկուելուց մարդը ցնորուում է» (118):

Թարգմանուած չէն բնագրի այլ եւ իսկ բառերը։ Առաջինն այստեղ նշանակում է «այլեւ, այլ զէպէքրում»։ Երկրորդը՝ «Առյօնիսկ, անզամ, մինչեւ իսկ»։

8. Վասն լուսատու լիմելոյ միայն արարան (լուսաւորքն) եւ ի նշանն եւ ի ժամանակու յաւուրս, յամիսս եւ ի տարիս (Մ 82.25-26, Բ 185-186) — «Ստեղծուեցին՝ միայն լրյու տալու եւ ժամանակները, օրերը, ամիսներն ու տարիները նշանակելու Համար» (122):

Թարգտանուած չէն բնագրի ի նշանն հայցականը կամ թերեւս թարգմանուել է որպէս «Նշանակելու Համար»։ Գ. Խաչատուրեանի թարգմանութիւնն էլ նոյնն է (էջ 91)։ Սակայն Եղիսիկն այլ բառին աւելի մեծ կարեւորութիւնն է տուել, քան թարգմանիչները։ Դա երեւում է ոչ միայն դրան նախորդող «եւ» շաղկապից, որ դրէի ընդդիմարկում կարող է լինել, այլև անմիջապէս յաջորդ տողում նա բաւելացրել է։ «Ոչ իբրեւ զկնողանիս, այլ իբրեւ ըգուսաւորս լուսատու լինել ի ներքոյ երկնից եւ զծածս աստուածդիտութեան ցուցանել, եւ զանձրեւաց եւ զաւցոց փոփոխմանց», որ ճիշտ է թարգմանուած «...աստուածանանայման, ինչպէս նաև անձրեւների ու եղանակի փոփոխմաների նշանները նշանները ցոյց տարու Համար» (էջ 122)։ Կարծում ենք, որ առաջին նախորդասութեան մէջ կատարուելիք որրազուութիւնը հիմա պարզ է։

9. Եւ այլոց անամոց ոչ նոյնպիս (Մ 93.14, Բ 211) — «Բայց անաւունների (կենանութիւնը) նոյնպիսին չէ» (135):

Թարգմանուած չէն այլոց բառը. Պատճառը կործում ենք այլ է, որ

որանից անմիջապէս առաջ Եղնիկն արտայառւել է մարդկանց մասին. ուստի թարգմանիչը խուսափել է այս այլոց բառից, քանի որ այն թարգմանելով իր թերեւ անասնոց զոյականի որոշիչ՝ «միւս անառունելիք», լռելեայն Եղնիկն մերագրած կը լինէր այն միտքը, թէ նա մարդկանց հւա համարում է անառուններ։ Արդ թարգմանիչը դիտէ, որ Եղնիկի համար մարդն «ասուն» եւ բանաւոր արարած է։ Մարիէսը թարգմանել է «l'âme des autres animaux» (§ 303), այսինքն՝ «միւս կենանիների հոգին»։ Կարծում ենք, որ այլոցը անասնոց սեռականի որոշիչը չէ, այլ բացայատեալը։ ուստի նրա վրայ դնում ենք բութ նշանը՝ «Եւ այլոց՝ անասնոց, ոչ նոյնպիսի», եւ հասկանում ենք՝ «Խոկ միւսներին՝ կենանիներնը, նոյնպիսին չէ»։ Մարիէսի թարգմանութեան մէջ բուրակների միջնեւ առնելու կը այնախ բարը։

10. Ցնկարի մաս ի պարտութիւն, յորժամ ուպականեալքն զամարագանութիւն, գգինացուածուքն՝ զանմահութիւն, և սերմամեալք տկարութեամբ՝ զգաւրութիւն (Մ 128.15-17, Բ 296) — «Մահը պարտութիւն է կրում, երբ ապականուածները անապականութիւն են ստանում, տկարութեամբ սերմանուածները՝ դորութիւն» (180)։

Թարգմանուած չեն բնադրի չընդդուած բառերը։

11. Զի երե պարզ բնուքին կը հիպն, եւ մենակերպ, եւ աշխարհու ի յարդուածոյից եւ ի պէսպէս բնութեանց հւ ի խառնուածոց հաստատեալ է, անհինարին է ասել… (Մ 19.24-26, Բ 32) — «Եթէ հիւշէ պարզ մարմին էր եւ միատարր, անհարին է ասել…» (44)։

Թարգմանուած չէ բնադրում չընդդուած ամբողջ նախադասութիւնը, որ Վենեսիկեան հրատարակութեան մէջ էլ կայ։

բ. Խմբագրութեներ

Թարգմանիչը բարձիցո խմբադրել է Եղնիկի երկր թարգմանելիս, այդպիսով վատ օրինակ զառնալով ուրիշներին։ Ահա օրինակներ, միայն օրինակներ մեր նկատած բագմաթիւ խմբագրութեներից։

1. Զի որ չար ինչ է, նորա ամենայնին վնասակար է (Մ 33.5-6, Բ 66) — «Չէ՞ որ չարի ամէն ինչը վնասակար պիտի լինի» (60)։

Բազմիցս երեւում է Եղնիկին այսպէս «խմբագրելու» մարմաջը։ Աւելորդ է Հեղինակին վերաբրել ճարտասանական հարցեր, ինչպէս արել է նաեւ ուրիշ տեղերում, եւ այս նախադասութեան թարգմանութեան մէջ Եղնիկի է բայց մեղմացնել կամ ուժեղացնել «պիտի լինի»-ով։ Բնագրի իմաստն է. «Ուրովհետեւ ինչ որ չար (արարած) է, նորա ամէն ինչը վնասակար է»։

2. Թարգմանութեան մէջ Հարցական է դարձել նաեւ Եղնիկի հետեւեալ նախադասութիւնը։ Զի սոխ ելեալ ի հաղաքաց եւ ի գիւղից… (Մ 65.31-32, Բ 146) — «Չէ՞ որ մարգիկ, քաղաքներից ու գիւղերից ելնելով…» (101), փոխ. «Ուրովհետեւ մարգիկ…»։

3. Նաեւ հետեւեալ նախադասութեան մէջ, ուր մեղանչումն աւելի ծանր է։

Զի՞ պիտոյ եր գիտանին զովել եւ զանպիտանն պարաւել, թէ ինքն արարիշ է պիտանութեան եւ անպիտանութեան (Մ 76.27-28, Բ 172) — «Ի՞նչ, անհրաժեշտութիւն կը լինէր պիտանիին դովիլու եւ անպիտանին պարաւելու. չէ՞ որ (այդ դեպքում) ինքը կը լինէր արարիչը պիտանութեան և անպիտանութեան» (114), փոխ. «Եթէ ինքն է արարիչը…»։

4. Արդ յայսպիսի իրս անհարքս առ ոչ ստիգ հայելոյ, կարծեցին, երբ չար ինչ բնութիւններ իցէ (Մ 33.28-29, Բ 67) — «Ահա այսպիսի անհերդաշնակ իրողութիւնները ճշտութեամբ չըմբռնելու պատճառով կարծեցին, թէ չար բանը կութեամբ է (այցպիսին)» (61):

Թարգմանութեան բնգգծուած մասը բնագրի վերջին բոռերի ճիշտ թարգմանութիւնը չէ: Մարիէսի հետ համաձայն ենք, որ դրանք նշանակում են «ի ինէ չար ինչոր արարած գոյութիւն ունի»: Եւ իրօք, այս ամփոփի նախադասութիւնը գրելուց առաջ, բնութիւնից, յատկասէն գաղաններից եւ բանախաներից վերցրած օրինակներով եղնիկը ցոյց տուեց, որ «Եթէ մող իցէ եւ չարի արարած զդացանն վասն գաղանութեանն ասիցէ», «Գաղանք ինկ, որ ի չարէ արարչէ եղեալ են, ցուցանեն...», «Նա թե եւ ի չարէ ինչ եթէ շարք արարեալ» եւ այլն, այսինքն՝ եթէ չար արարի գոյութիւն ունենար, ասք եւ այլն: Այդպիսի թուացող հակասութիւնները նկատի ունենալով՝ ընդդիմակացները կարծել են, թէ գոյութիւն ունի չար արարիչ, որ արարած է, Աստծուց է սահեղուել, ինչպէս հետզդ բայց իր հերթին առաջարել է չար արարածներ, դրանց պատճառն է դարձել:

Բացի խմասուային կորմից, քերականութիւնն էլ թոյլ չի տալիս թարգմանել այնպէս, ինչպէս թարգմանուած է, որոյ թարգմանիշը ստիպուած է եղել փակադերում աւելացնել մեկնարանող «այդպիսին» ստորոգելիական վերաբերը:

5. Ոչ երեք յորմզդի կամ ի յաղելն եր զարութիւնն, այլ... (Մ 62.2-3, Բ 136) — «Զօրութիւնը ոչ թէ Որմիզդի ու զոհարերութեան, այլ...մէջ էր» (96):

Բնադրի կամ շադկապն առանց անհրաժեշտութեան փոխարինուել է ու-ով:

6. Եւ ոչ աշակերտացն իւրոց հալածել հրամայէր (Մ 67.15, Բ 150) — «Եւ ոչ էլ իր աշակերտներին կ'առաջորդիր Հայածել» (103):

Ոչ մի հիմք չկայ բնագրի հրամայէր բայց թարգմանելու «կ'առաջարիէր»: Նոյն սխալը աեւ ստորեւ թ. 12:

7. (Դիէք) ոչ երեք զմարդիկ ի կոսպատուութիւն յաւժարեցուանեին, եւ ոչ ի պէսսիւս ապանկս փիլիսոփայից եւ հերձուածովաց (Մ 67.18, Բ 150) — «Դեւերը...մարդկանց երբէք չէին մզի հաւատալու կոսպատութեան, փիլիսոփայական ու հերձուածովական զանազան ադանդների» (103):

Բոլորովին աւելորդ է «հաւատալու» բառը, որ բնագրում չընելու պատճառով փակադերի մէջ անգամ առնուած չէ: Աւելորդ է, որովհետեւ կրոռոպաշտութեանը, ինչպէս փիլիսոփայական ու հերձուածովական ազանդներին «հաւատալ» չի ասուած: մարդիկ դրանք ընդունում են, դրանց կողմնակից են յինում, հետեւում են եւ այլն:

8. Զվերջին հարուածն յառաջնումն ոչ ած ի վերայ նորա (Մ 74.24, Բ 167) — «Վերջին հարուածը նրան ոկզրում չհասցրեց» (111):

Առանց որեւէ անհրաժեշտութեան ու պատճառի, հարուածն յունահեն, որ անհզական չէ, եղակի է թարգմանուել: Գ. Խաշատուրեանն ու Մարիէսը ճիշտ են թարգմանել:

9. Ընդէ՞ր ասիցէ Առաքեալ՝ թե ինազմանդելոց է փրկին մերում համգերա մահուամբ եւ սատանայ, եւ անկանուց է յիշխանութենէ եւ ի պիտուելի իւրմէ՝ որ աստուածանալն անձամբ կամեցաւ (Մ 82.3-5, Բ 184) — «Ինչ իւրմէ՝ որ աստուածանալն անձամբ կամեցաւ»

չո՞ւ է առաքեալն ասում, թէ՝ «Մահուան հետ մեր փրկիչին հնազանդուելու է նաև սատանան որն ընկնելու է իր իշխանութիւնից ու պետութիւնից, որովհետեւ անձամբ աստուածանալ կամեցաւ» (121):

Բնագրի համեմատութեամբ աւելորդ են «որն» եւ «որովհետեւ» բառերը առաջինի փոխարէն պիտի լինէր «եւ» ըստ բնազրի, երկրորդի փոխարէն «նա», որ: Գ. Խաչատուրեանը ճիշ է թարգմանել:

10. Երե զամենայն աւր շրջիցին (Երկիմ)¹ զիա՞րդ զարեգակն աւար աւոր ի նոյն արեւելս ածիցն եւ զրասիմն յամսեան հազիւ ի նոյն տեղիս (Մ 83.10-11, Բ 187) — «Եթէ միշտ պատուում է (երկինքը. Մ. Մ.), ինչպէ՞ս է, որ արեւն ամէն օր նոյն արեւելքի մէջ է բերում, իսկ լուսինը՝ հաղիւ ամիսը մէկ՝ նոյն տեղերը» (122):

Բնագրի գամենայն աւր բառերը Գ. Խաչատուրեանը համեստաբար թարգմանել է «ամրոջ օրը», իսկ Ա. Ալբանամեանը իմրագրելով՝ «մէկու», ցոյց ատաւ համար, որ գիտէ, թէ մատերիան ամենդիան շարժման մէջ է։ Սակայն նրա «մէկու» սխալ թարգմանութիւնը ամբողջովին չնջում է բնագրի զարմացական կամ հարցական միտքը այն մասին, որ եթէ երկինքը մէկ ամբողջ օրում կատարէր իր պատուալը, «զորմէ ասեն արաւաքին իմաստունքն, թէ մերթ ի չըջին ծածկին զրուաւորսն եւ մերթ յարտնեն» (Եղինի, նոյն տեղում), ապա նա ինչպէ՞ս արեւը օրը-օրին արեւելքի նոյն կէտը պիտի բերէր, իսկ լուսէնը՝ մէկ ամսում հազիւ նոյն տեղերը:

11. Այլ ի փարձ իրացն այլազգ յայտ առնի, դի ասանելին, որ կցայց յերկինս են, եւ զցերեկ անդէն գտանին (Մ 83.17-18, Բ 187) — «Բայց իրողութիւնների փորձից ուրիշ բան է երեւում ւ Ասողերը, որ գիշերը երկնքում են, ներեկն էլ են այնտեղ դանուում» (123):

Բնագրի զի «որովհետեւ» շաղկապը փոխարինուած է տուեալ դէպքում հայերէնի կէտադրութեանը խորթ եւ անօգուտ զծիկով. զրա ֆնջումով թուլանում է «փորձ իրացն»:

12. Յասնեղատունսն մտանել (Մ 85.16, Բ 191) ւ Մտնում են աստղատունը» (125):

Ու անեզական յոգնակին եղակի թարգմանելու ու մի պատճառ չկայ, այլ նոյնիսկ սխալ է, քանի որ աստեղատուները շատ են։ Գ. Խաչատուրեանը մէշտ է թարգմանել։

13. Այլոց զիա՞րդ հրամայէր զկանայս հասարակաց համարել, եւ ոչ իրում կնոջ եւեթ սկել (Մ 100.4-5, Բ 226) — «Աւրիներին ինչպէ՞ս էր առաջարկում կանանց բոլորինը համարել եւ ոչ թէ միայն սեփական կնոջ հետ լինել» (143):

Բնագրի երամայէր բայն աւելի սառտիկ իմաստ ունի, քան պարդ «առաջարկելու»՝ որին պղաստոնականը կարող էր հաւանութիւն տալ կամ այն մերժել, իսկ հրամայուածը՝ ոչ։ Այս բառի թոյլ թարգմանութիւնը կրկնուած է ուրիշ տեղերում (տե՛ս ստորեւ թ. 19):

Սկել բայլ նշանակում է «արթուն կալ, ուշ ունել, հսկել», որի համար Նշինում իրրեւ վկայութիւն բերուած է նաև այս նախադասութիւնը։ Եթէ եղինիկը գրել է «իւրում կնոջ եւեթ սկել», այսինքն՝ «ուշադրութիւն դարձնել (կամ՝ «հսկել») միայն իր սեփական կնոջ», բալորովին աւելորդ է նրա գրածը գուհէկացնել եւ թարգմանել «միայն սեփական կնոջ հետ լինել»։

14. Եւ այնպէս ոչ եքող երբեք Աստուած գաշխարհս պռանց լիկայութիւնն (Մ 102.1, Բ 230) — «Եւ այսպէս աստուած աշխարհը երբէք չթողեց ու առնց աստուածապաշտութեան» (146.1):

Ո՛չ բառարանային եւ ո՛չ էլ բնապրային հիմք կայ վկայութիւն բառը աստուածապաշտութիւն» թարգմանելու: Աստուած մարդարէների միջոցով միշտ էլ վկայի է տուել իր գոյութեան մասին:

15. Եւ այնպէս կարգէ գաշխարհէ: Եւ զարարածոց, որպէս արէնին անին (Մ 106.32, Բ 243) — «Եւ աշխարհի ու (նրա) ստեղծման մասին խօսում է այնպէս, ինչպէս Օրէնքն է պատմում» (152):

Զարդարնալի է, որ արարածոց «արարածներ» բառը թարգմանուել է «աշխարհի ստեղծում»:

16. Մի երդապուր (Մ 120.20, Բ 276) — «Զերդուես» (169):

Զգիտենէք՝ ինչի՞ց դրդուած՝ թարգմանիցը անհրաժեշտ է համարել բնապրի յոդնակին թարգմանել եղանակի: մինչդեռ, յաջորդ էջում, կրկնուած այս նոյն յոդնակին թարգմանել է յոդնակի՝ «չերդուէք» (էջ 170):

17. Եւ եթե պիզդ ինչ ենին կերակուրքն, նախ ինչն իսկ ոչ հաշակէր ի նոցանէ, եւ ապա այսոց հրաման տայց չնաշակին (Մ 125.6-7, Բ 280) — «Եւ եթէ (մասն) կերակուրեները պիզդ լինէին, նախ հենց ինքը նրանցից չէր ուտի եւ ապա ուրիշներին չէր առաջարի ուսեւել» (171):

Աւելորդ է «մոտիք» բառը: Եզնիկը մանրամասն բացատրում է հստեւեալ դրյամից: «Ըստինպէս վասն կերակորոց (առանց մասով կամ անմին կերակուրեների տարրերութեան: Մ. Մ.) եւ ի հուսւմն եւ ի նորումն դասնեմք, զի յԱստուեոյ տուեալ են ի դարման» (Մ 125.1-2, Բ 279): այս նախադասութեան նոյն կերակորը բառն իր տեղում թարգմանուել է «ուտեյիք», առանց «մոտիք»-ի տարրերութման: «Յարակից էներում հեղինակը միշտ խօսում է կերակուրեների մասին ընդհանրապէս, եւ թարգմանիցը անհրաժեշտ չի նկատի, որանց մէջ միևնույն անուններու առաջարկի այլ «կերակուր» բառից խօսուափել է «ուտեյիքներ» դոյսականը դորձածելով» (էջ 174):

Թարգմանութեան «առաջարկեր» («չէր առաջարի») բայց թոյլ է բը-նապրի հրաման տայցը արարածիր բայի համեմատութեամբ:

18. Կուսոնիք սրբոյ եկեղեցւոյ... վասն առաւել սիրելոյ զլասուած, ի բարւոք արարածոց Աստուածոյ հրաժարեն (Մ 124.15-16, Բ 287) — «Սուրբ եկեղեցու կոյսւերը... աստծուն առաւել չափով սիրելուց են հրաժարւում նրա ստեղծած բարիքներից» (175):

Բնադրի ի բարւոք արարածոց բառերը թարգմանուել են Հասեղծած բարիքներից: Ո՞ր բարիքներից՝ անհասկանալի է, քանի որ կոյսւերը ոչ թէ Աստուեոյ աստեղծած բարիքներից են հրաժարւում, այլ ամուսնութիւնից:

Մի վերջին օրինակ յատուկ խմբաղութեան:

19. Ոչ երբեք սերմանեցեր զգարի եւ հնձեցեր ցորեան (Մ 127.23-24, Բ 294) — «Ոչ մի չէպքում ցորեն չցանեցիր ու զարի հնձեցիր» (179):

Բնագրի ցորեան եւ «զարի» բառերը փոխել են իրենց տեղերը թարգմանութեան մէջ:

գ. Երկիմասու թարգմանութիւններ

Թարգմանութեան մէջ գտնում ենք բառեր եւ նախադասութիւններ, որոնց իմաստը յստակ չէ: Տանք օրինակներ.

1. Նոյնպէս եւ ոչ զիրոյ, եւ ոչ զօրոյ, եւ ոչ զաւոյ, եւ ոչ գիայլատականց, եւ ոչ գրութեանէ, եւ ոչ վխաւարէ նառէ ինչ Մովսէս. զորո յերկուց ի մեծ անաւթոցն, յերկնից եւ յերկէ, պարու է իմանալ, թէ ամեն այն ինչ որ ի միջի նոցա գուանի՝ հարկ է զի ընդ նոսին արարեալ իցէ (Մ 86.21-24, Բ 194) — «...Դրանց վերաբերեալ պէտք է իմանալ երկու մեծ անօթներից՝ երկնքից ու երկրից, որովհետեւ...» (126) :

Թարգմանութեան սկիզբն ու վերջաւորութիւնը ճիշտ են, յասակ չէ միայն մէջբերուած առզը: Յստակ չէ նաև Գ. Անշատուրիանի թարգմանութիւնը: «Այս բոլոր պէտք է իմանալ երկու մեծ անօթներէն՝ երկինքէն ու երկրէն» (95): Երկու մեծ անօթներն են պատմելու նրանց ժաման ։ Բնուպրի նախագտառութեան մէջ յուրիեան իմացում է՝ «...որ երկու մեծ անօթներից՝ երկնքից ու երկրից (ստեղծուած) պէտք է համարել»: Ճիշտ է թարգմանել Մարիէսը (պարը. 281): Երկինքն ու երկրը մեկ ոչինչ չեն կարող իմացնել կրակի, ջրի, օդի եւ բնութեան միւս երեւոյթների ժաման:

2. Ընդէ՞ր ոչ ամրացոյց զիւր տեղին, զի մի լինէր անզր մուտ հակառակորդին՝ որ դար եւ ապստամբեցացաներ զարարած նորա ի նմանէ (Մ 111.15-16, Բ 254) — «Ծնչո՞ւ չամրապնեց իր տեղը, որ այնտեղ մուռք չըդորձէր հակառակորդը, որը իր արարածներին շարութակ ապստամբեցնում էր իր դէմ» (157-158) :

Թարգմանուած չէ բնագրի գայր «գալիս էր» բայր: Աւելորդ է թարգմանութեան մէջ «չարունակ» բառը: Քանի որ ժամանակակից հայերէնում իր ստացականիր սովորաբար յլում է նախաղտառութեան ենթակալին, ուստի կարելի է ենթազրել, որ թարգմանութեան մէջ արդ նոյն բառը վերաբերում է «որբ» ենթակալին: Իսկ սրա յարաբերեան է «հակառակորդը»: Ուստի գուրս է դալիս, որ հակառակորդը զալիս էր (որ թարգմանուած չէ) և իր սեփական արարածներին ապստամբեցնում էր իր՝ այսինքն՝ իր իսկ դէմ: Անմինչ, բնագրում ունենք «գարարածս նորա ի նմանէ», այսինքն՝ «նրա արարածները նրան զէմ»:

3. Նա եւ զերեւելի հաստատութիւնս, որ ի զուրց մեկնեցաւ, երկինքարգմանենցին եւթանասութեն (Մ 114.8-9, Բ 261) — «Նաեւ այս երեւացող հստատուրիւնը, որ յերկից կազմուեց, եօթանասունը (թարգմանիչները) Կրկին՝ թարգմանեցին» (161) :

Նոյնիսկ արեւելահայ ընթերցողին անհասկանալի կը մնայ թարգմանութեան «հաստատութիւն» բառը, կը թուայ, թէ խօսքը երկիք ժամին է: այստեղ այդ բառը պարզապէս նշանակում է «երկինք», Փրանսերէն firmamento, ինչպէս Մարիէսը թարգմանէլ է (Տ 378), յատիներէն firmamento բառ նոր հայկական հատարանի:

Բնագրի մեկնեցաւ «քաժանուեց, անջրպետուեց, զատուեց, անջառուեց» բայր թարգմանուել է «կազմուեց», հակառակ զբարարի բառարանների: Աստուածաշնչի այն տեղում, որ ակնարկում է եղնիլը, այս բայրի փոխարէն գործածուած է անջրպետել բայր: «Եւ արար Աստուած դհաստատութիւնն և անջրպետաց Աստուած ի մէջ ջրոյն, որ ի ներքոյ հաստատութեանն, եւ ի մէջ ջրոյն, որ ի վերոյ հաստատութեանն: Եւ կոչեաց Աստուած զհաստատութիւնն երկին» (Ծնդ., Ա, 7-8):

4. Յաւրինականն, որ եհարց ցնա... (Մ 121-8, Բ 277) — «Որինաւուրին, որ իրեն հարցըրեց...» (170) :

Կարծում ենք, որ ժամանակակից Հայի համար «օրինաւոր» բառն առական է՝ «օրինական, օրէնքի համաձայն, ոչ ապօրինի» : Մինչդեռ բնագրի այս նախաղասութեան մէջ եւ Աւետարանում, որ այսուղ ակնարկում է Հեղինակը, այլ բառը նշանակում է «օրէնսդրտ», օրինաց վարդապետ», ինչպէս բացառում է Նոր հայկակեան բառարանը :

«Իրեն» դերանուան փոխարէն նախընտրելի է «նրան» :

Դ. Թարգմանութեան մէջ տեսնում ենք սխալ մեկնարանութիւններ փակադերում եւ սուրբգրային մէջբերումների աղբիւրների սխալ մատնանըշումներ .

1. Զորս կոչեաց ոչ միայն ի Հրեից, այլ եւ ի հեթանոսաց (Մ 75-22, Բ 169) — «Արոնց կանչեց (որպէս բարկութեան եւ ողորմութեան անօքներ) ոչ միայն հրեաներից, այլև հեթանոսներից» (113) :

Եզնիկն այս տողերը մէջբերել է Պօղոս առաքեալի՝ Հռոմայցիցիներին դրած թղթից, ուր տուեալ տեղում յուելեայն չեն հաւկացւում թարգմանութեան մէջ փակադերում աւելացուած բառերը: Խօսքն այն մասին է այնտեղ և Եզնիկի երկի տուեալ տեղում, թէ Աստուած մարդկանց իրեն է կանչում ոչ միայն Հրեաներից, այլև հեթանոսներից: Գ. Խաչատուրեանը, որպէս բարի եկեղեցական, փակադերում (զծիկներում) աւելացրել է միայն «ողորմութեան անօթները» սխալ բացառութիւնը: Ա. Արքահամեանը զրանով չի բաւարարուել, ինչպէս տեսանք: «Բարկութեանց կամ «ողորմութեան» մեկնարանութիւնները դէմ են Եզնիկի դրածին: «Ոչ նա (Աստուած) անալի՛ բարկութեան կազմէ ի կորուս եւ ոչ անալի՛ ողորմութեան ի փառու» (Մ 75-15-16):

2. Մի Աստուած ի վերայ ամենեցուն եւ ընդ ամենեսեան եւ ամենայնիւ (Մ 75-23-24, Բ 169) — «Մէկ աստուած՝ բոլորի վրայ, բոլորի հետո ու բոլորի մէջ» (113) :

«Բոլորի մէջ»-ը չի կարող ամենայնիւ զործիսկանի թարգմանութիւնը յինեւ նրա համար, ով յարգում է զրաբարի քերականութիւնը: Գ. Խաչատուրեանը նոյնպէս թարգմանել է Ա. Արքահամեանի պէս (հակառակը հասկացէք): Հաւանաբար պատճառն այն է, որ Եփեսացիներին ուղղուած թղթում (Դ, 6), որից մէջբերել է Եզնիկը, կարդացել են «յամենեսին»: Սակայն երկու թարգմանիչներն էի շեն զդուշացրել (ընթերցողին): Մարիէսր 568 ծան. մէջ մանրամասն քննել է թղթի յունարէն բնագրի համապատասխան տողը, ինչպէս Հայերէն թարգմանութիւնը, յիշեցրել է Ծմիդի, Վերէրի եւ Գ. Խաչատուրեանի թարգմանութիւնները եւ կանկ առել «ամէն ձեւով, ամէն տեսակէտու» թարգմանութեան վրայ (պարը. 245): ծանօթութեան մէջ աւելացրել է, որ Եզնիկի ամենայնիւ արտայայտութիւնը եւ իր բառացի թարգմանութիւնը ամփոփումն է «ի վերայ ամենեցուն եւ ընդ ամենեսեան» արտայայտութիւնների: Մի՞ կողմնակից ենք այս մեկնարանութեան:

3. Հաս այնմ՝ թե են ներքինիք, որ զանձինս իրեանց արարին ներքինիք վասն արքայութեանն երկնից, լինել ի յառաւթեանն հաւասար երեշտակաց (Մ 124-18-19, 288) — «Էստ այն (խօսքի), թէ՝ Կան ներքինիներ, որոնք իրենց ներքինի դարձրին երկնիք արքայութեան համար, որպէսզի յարութեան ժամանակ նմանուեն հրեշտակներին» (175):

Այստեղ թարգմանական միակ սխալն է «նմանուեն» փոխ: «Հաւա-

սարութեա: Թարգմանիչը բաւարար ուշադրութիւն չի դարձրէլ, թէ բնապրի ո՛ր բառերն են բան հեղինակին, եւ որո՞նք մէջբէր բամեր են, ինչպէս Գ. Խաչատրութեանն ու Մարիէսը, ինքն էլ է «մատնացոյց անում», թէ այստեղ բառեր անևնք Մատթ. ԺԹ. 12ից . սակայն Աւետարանի բնագրից գուրս են «լինել ի յարութեանն հաւասար հրէշտակաց», թարգմանութեան՝ «որպէսզի յարութեան ժամանակ նմանուեն հրէշտակներին» բառերը, որ, սակայն, թարգմանին առել է շակերտաների մէջ իրեւ Աւետարանինք: Պարզում է, որ նա առ առնց անձամբ ստուգերու վատահել է Գ. Խաչատրութեանին (էջ 143): Մարիէսի մէջբէրումը կամ իրը և այսպիսին շտկերտների մէջ առած բառերը հումապատասխանում են Ա. Ետարանի բնապրին (պարբ. 413):

* * *

Եղրակացութիւն

Եղնիկի երկի Ա. Ա. Աբրահամեանի արեւելահայերէն թարգմանութեան ներածութեան մէջ արտայայտուած են խիստ վիճելի կարծիքներ երկի նպատակասլացութեան եւ «խոշչոր նշանակութեան» մասին:

Թարգմանիչը բանասիրական կոպիտ սիսալ է գործել թարգմանութիւնը հակատարեւով (կամ չի բանաւելով) Մարիէսի եւ Մերսէկի զիտական ու ձեռնպարային հրատարակութիւնից :

Թարգմանիչը շատ սիկամ արեւելահայերէնի է վերածել Գ. Խաչատրութեանի արեւմտահայերէն թարգմանութիւնը, անքննադատաբար կրկնելով նրա բաղմաթիւ սիսալները եւ առանց ստուգելու սուրբգրային մէջբէրումների նրա նշած աղրիւները: Ինքն էլ թոյլ է առել բաղմաթիւ սիսալներ, բառերի բացթողումներ եւ սիսալ մէկնարանութիւններ, որոնք այսպիսի գրքի թարգմանութեան մէջ աններելի են:

ՄԱՐՏԻՐՈՍ ՄԻՆՈՍԵԱՆ

Երուսաղէմ

Վերջ

